

法令二

吏部奏議覆變通直州同州判要缺補法摺

一百五十八

十二月

一律辦理所有京旗人員應以直隸及界連之山東山西河南掣分各省駐防人員應以駐防省分及界連各省掣分至漢軍人員向例京官迴避刑部外任迴避順天直隸及北河員缺擬請併爲變通均准一律掣分以免紛歧所有變通滿蒙漢軍外任告近緣由謹附片具陳是否有當伏乞 聖鑒訓示謹 奏光緒三十四年九月二十八日奉 旨依議欽此

吏部奏議覆變通直州同州判要缺補

法摺

奏爲遵議具奏事內閣鈔出直隸總督楊士驤奏直隸州州同州判要缺請以舉貢截取揀選就職人員酌量試署一摺光緒三十四年十月十一日奉 硃批吏部議奏欽此欽遵到部原奏內稱竊查定例佐雜等官惟咨報要缺於現任揀選調補其餘悉歸部選其有 命往以佐雜補用及留於該省候補凡係應歸候補班前候補正班並會經咨署得缺未經實授緣事離任仍赴原省者亦准酌量

揀選補用署理如有將初任各項試用咨請補署者俱不准行又直隸州州同州判等項缺出本班無人准以大挑舉人借補應經遵辦在案本省直隸州州同其二缺內要缺一選缺一直隸州州判共五缺內要缺二選缺三此兩項補缺辦法事同一律員缺既少各項試用人員照例又不准請補要缺而選缺又分一咨二留新章分發截取及揀選舉人直隸州州同並五貢就職直隸州州判人員來省稟到者日見其多此後源源而來尙不知凡幾即使本班輪補尙慮遙遙無期若仍循大挑借補之條則本班中得缺益難不無缺望此項人員均係正途出身非捐納試用人員可比自應設法疏通以免擁擠臣督同藩學臬三司悉心核議現在科舉已停大挑舉人一班不再分發日少一日擬請嗣後遇有扣留直隸州州同州判選缺仍照例章分別序補如遇要缺應調及候補委用各班無人或有人不合例州同卽用截取及揀選舉人人員酌量試署州判則以五貢就職人員酌量試署一年期滿另請實授

如不勝任卽行撤回另行揀補不再以大挑舉人借補如此變通辦理於挑班無甚窒礙而截取揀選以及五貢就職人員出路稍寬得以一職一官及時自効庶免向隅等語臣等查試用人員向不准補署地方要缺惟大挑試用知縣遇有要缺直隸州州同州判等項缺出准其借補歷辦有案該督以截取揀選舉人及五貢就職本日多請變通成例准其分別試署不再以大挑借補同屬正途自可准如所請惟查臣部三十二年奏定新章截取舉人之以直州同用者本有准其酌署要缺一條而揀選舉人祇補選缺其選缺輪次又須俟截取人員用過二人後始用一人良以年資不同則閱歷亦自較淺今該督請截取揀選舉人一體酌署要缺雖爲地擇人原可不拘但亦應先儘截取人員請著或截取人員不宜始准聲明遞用揀選人員庶與定章限制之意可相符合又五貢就職例祇恩拔副貢准就直州判其歲貢優貢之以按經歷等項分發到省者仍不得以人地相需爲詞率請借署以免牽混以

法令二

吏部奏議擬變通直州同州判要缺補法摺

上係要缺中應行聲明之辦法也抑更有進者該督原奏係專在變通要缺但所稱候補委用各班無人准以大挑舉人借補等語例文自指選缺而言竊思各省要缺直州同合直隸江蘇陝西甘肅四省計之共祇五缺要缺直州判合直隸江蘇山東山西河南甘肅湖南七省計之亦共祇八缺若僅如該督所議恐於疏通之數仍屬無幾卽未設要缺之省亦尙不免向隅自應將向准大挑知縣借補之選缺並新章截取揀選知縣准抵補大挑無人之缺一併改以舉貢各本項分別借補其借補次序舉人亦先用截取二人再用揀選一人貢生亦先用恩貢一人次用拔貢一人再次用副貢一人餘各班到班仍悉照定章序補至府廳州同州判府經歷縣丞四項並鹽大使一項歷來辦法亦均與直州同直州判相同而近年此五項分發舉貢人數視直州同直州判尤爲倍蓰並請將大挑知縣截取揀選知縣佐貳借補之例一律停止亦毋庸再以本項人員抵借嗣後除要缺並准該督撫酌量外如遇選缺

法令二

吏部奏酌擬卓異人員錄用章程摺

一百六十

十二月

出時候補委用捐納議敘各班無人即徑行過班庶現時考試就職掣用及指項之員得缺較易其大挑應行輪補之首領各官內布大使一項雖亦有截取揀選人員應各暫仍其舊統俟大挑用竣後再行歸併辦理此又原奏所未請勢須推廣及之者如此分別變通於舊例新章均無窒礙而疏通亦可收實效如蒙 俞允除知照直隸總督外應由臣部通飭各省一體遵照所有臣等遵議緣由謹繕摺具陳伏乞 皇太后 皇上聖鑒謹 奏光緒三十四年十月初八日奉 旨依議欽此

吏部奏酌擬卓異人員錄用章程摺

奏為酌擬卓異人員錄用章程請 旨遵行事竊臣部考績定例在京三年舉行 京察在外舉行 大計所以整飭吏治激揚人才皆為 朝廷巨典現 京察章程已由臣部奏請變通辦理其 大計卓異之員亦應因時酌定免生窒礙查舊例薦舉卓異人員由臣部帶領引 見照例准其卓異加一級仍註冊回任候升等因今查各省保

獎章程凡異常勞績皆准保舉過班又政務處奏定各省考覈事實列入最優等者引 見時請 旨錄用優等者給予加一級歷經遵辦在案伏思保獎異常所辦不過一事考覈事實成績亦僅一年而卓異人員係合計本省實缺十五人舉一扣俸既嚴再其政績必滿三載並無虧欠參罰始膺是選及經赴部引 見所得不過加級而候升一層升班究屬太隘反不得與異常勞績考覈最優等各員同邀 上賞殊不足以示寵異臣等公同商酌除道員應升之階均係請 旨簡放未便擅擬外其知府以至佐雜等官如經保薦卓異奉 旨候升人員均擬請以升階在任候補如遇應升到班仍照例先儘升用至卓異送部引 見人員又經該督撫臚陳政績奏請破格錄用覈其情事較之最優等人員實有過之擬請援照最優等章程於引 見時聲明請 旨恭候 欽定如蒙 俞允即由臣部著為定章通行各省欽遵辦理嗣後凡卓異例應引見人員均應遵照例限赴部引 見方准以升階候補